學

案

小

識

韓理堂先生 禁梁村先生 上生 卷五目錄 8江日錄 姚姬傳先生雷翠庭先生

閩立鼇峰書院徵召各郡縣士子肄業其中爲之講 生諱世遠字聞之號梁邨翰林歷官宗伯劝稟家學 學宣示儒宗先生應時而出升堂入室得儀封之 志程朱以聖 翼道學案 具與鄭魚門侍講書日在京師時朝夕過從俛有孜 相同道 漳浦蔡先生 小識卷五 和合分秧時先生獨有所不忍於中者 人為必可學而至適儀封張淸恪公

聚處之外不可不謂之知我也前歲附張次

松江

|脩信有江南閱卷之命心怦怦欲往以兩弟公車外出 誦法古人安肯以文衡作商賈之行辱名喪心自好者 學力昭昭然若揭其衷也此亦不足爲先生難者竊謂 於令長學官日有能敦孝弟重廉隅者以名聞幷上 學使之官在有以振士風而變士習下車伊始行一 不為況先生道力素定哉明則比公為難然以理真辭 又繼以台灣之變不如所願嗣聞先生清望日隆公明 恩溢於近遠然世遠竊謂此不足爲先生譽也我輩 一者律之空跳者不錄浮雜者不錄驗其心得審其 通經學古奇才異能者以名聞并 所論 所

試竣或延而面叩之從容講論以驗其所長有行檢不 薦然本之以誠心加之以詢訪擇其真者而獎勵之或 譽之於發落諸生之時或薦之於督撫或表宅以優之 也且夫士子荒經久矣勦襲撮摘以塗有司之目侮聖 五行少不過三行不者文雖佳歲試降等科試不錄科 行之各屬揭之 (之)言莫此為甚今於歲科未試之先通行於各學日 通摘其尤而重黜責之如是而士習不變者未之有 |篇之外不出經題但依所限抄錄本經多不過 示曰某經自某處起至某處止各書於卷後 通衢雖所薦者未必皆賢而賢者未必

也有能 異等者以為郎又有孝廉一 **夫勒寫數行本經非刻也先期示之使知成誦非慢令 卿里出入不悖所聞者為稱選送之太常太常籍秀才** 於朝私自褎揚亦學政之大者唐時有帖經墨義之 :也昔兩漢之選博士弟子員也以好文學尊長上 給熊廩童子青其矜如是而不自勵於經學者未之 今亦做此意施之使士子無荒經之患於學者大有 兼通者場中叉牌示曰能成誦四經五經者 生歲試若未暇及科試行之未晚也且小學 一科得人最盛今殺不能薦

學案小識 華也許魯齋云吾於小學敬之如神明今士子尙欲通 養正之言虛憍鄙陋之習悉去內聖外王之學畢基於 遵功令先期飭示日童子試書文二藝次依所限起止 以此勗其弟子小學之廢風俗人心之憂也今莫若確 此數載在家涿凡課授子弟以及從遊之士皆合讀小 後矣夫內篇者十三經之精義也外篇者十七史之精 書小學數行不記者定行點落如是則人爭自誦習恐 多視為具文學使亦有以具文視者遂使父兄師長不 此昔嘗以此作次藝論題取士矣後又移之覆試士子 經學古豈以簡便精要如小學反使束之高閣乎世遠 1 K 1 L

卑之苦口大聲孰若學使之 學講期必與經書性理 謂掣肘者多由於自掣非盡人掣之也夫布衣則古 職守者尤易或又以爲是二者皆有掣肘之患不 文勸學廣勵學官振飭士子為職業草偃風行比 乎今之持論者皆曰外官惟縣介與學使最難供職 逗竊謂此二者爲最易夫縣令者朝行 與政立 「里之地」而君之也學使無刑名錢穀之繁惟以 一教無耳目不周之處無中隔之患古人所謂 八猶稱其嚴毅清苦力行可畏况居官 一参講閩土化者頗多然與其處 2行一文不勞而嘉惠摩窮 政則夕及於 所 世 衡

富力强何事不可為只直捷要學聖人夫求為博雅 門屢稱諸賢志道之心甚銳深為喜慰是日重陽正當 公叉禮至鼇峯日取先生所示羞惡之說與諸生深切 之知我也其寄甯化五峯諸生曰貴業師貫一相聚都 同門謝君皆未有一字之通獨於先生惓惓者恃惠子 **休沐持諸賢詩業之書相示不伎見之喜而不寐也年** 而講明之會城氣習甚重然就中亦必有超俗成材者 但氣不可勝事不可激當謹確完養以合乎中耳謂見 心誠求之而已江南學使前有余林一 於人吾未之聞也世遠邇來無四方志今歲撫軍吕 一同鄉前輩繼爲

謹厚之人未必能自振拔而有為故聖人只思得 章與整齊嚴肅四字覺更緊切甚是朱子謂徒得一 或拾前人成語要使見者稱爲有志此便是浮外爲 得斬截如寫書來京所言學業有一毫不本中心發出 驗脆所行之事遷善改過開其學識使益宏裕養其德 器使益堅定焉斯已矣盡之來書謂澄本淸源惟在義 限於資榮顯富厚則限於命惟直捷要學聖人可以採 乙自我眼前立大志向定大規模隨所讀之書身體心 心即利心也思大來書稱近日體認吾未見剛者一 關此最得之義即天理利即人欲當認得透徹斷 大化五

鱼子安木小 識 怠以此窮理心極清明以此克已氣極勇決更日加涵 能有爲也程子論學之切莫要於主敬曰主一 便能事事合中尚須細加涵養然軟摩無氣骨人必不 緩又便怠弛惟立志既堅躬行叉力用謝氏心常惺惺 僻之干然此際加功最難過於矜持則苦而難久稍寬 無適之謂一又曰只整齊嚴肅則心便一 者蓋氣質剛勇始足任道但戒冷氣科氣耳眼前非必 養自然德成而學就所謂徹終工夫也又謂時文恐荒 之法常自提撕斂束自然坐立不至放佚心體不至昏 業欲暫去之夫時文亦代聖賢以立言者只要心得 則自無非 一之謂敬

體究實踐不遺餘力則亦朱子北溪矣況家有賢父兄 源嚮道自比北溪却誰當得朱子惟取朱子北溪之書 庭訓之下益加刻勵使父子繼美與宋代胡文定蔡西 此時得行即行不可有待也且化民成俗莫不於此思 之至文公家禮最切日用未有學道之人而不行禮者 名在其中矣程子謂科舉不患妨功惟患奪志此言盡 愈覺警切此欺慊之介體察入細則毛髮竦然願更策 而寫以時文之體勢耳心有實得則文字自有精采科 一家比隆是所深望也與之來書謂取誠意章點會 **一**名3

之盛復見於今矣不得面暢屬望之深忘其鄙謭然皆 句句切己行事時刻刻對照耳昔在宋代吾閩名儒甲 **令祖毋年高急於趨省不敢款留歸後忽忽如有所失** 肝膈之要不宣其與雷貫一日兩載都門相晨夕也以 等堅苦若有一念不實不但鬼神不可欺天下後世更 苦學程朱故能廟祀百世觀其辨别何等精嚴用功 之於前諸賢互相講勵如上灘之船不上不止則道南 天下多在延建今日臨汀風土人情最近古貴業師倡 有無限道理體用俱備近思錄則領要存焉總在讀時 不可欺也學山謂朱子全書閱畢欲讀近思錄全書中 Make L

求顏子之阜爾北溪自此精進有加蓋篤實之難也以 所謂買勿遽求曾子之所謂一當學顏子之博約勿遽 年來曾友天下士要如賢友之純心篤志以第一等 爲可學而至講明踐履不少懈者有幾人哉學者患於 無志有志矣又苦不能篤實篤實矣又苦不能曉事以 不伎有疑莫析兒輩不得聆誨言能無繫念不伎自數 司馬温公之學識一 竹林精舍猶謂其尚少下學之功勉之曰當學曾子之 北溪之賢受業漳州與聞至道越十年往見朱子於 使明道得大用於世其明通公溥比之温公自是不 代甯有幾人明道猶謂君實不曉

然近之君子囿於科舉格於習尙久矣卿人所不屑矣 爽然若失乎叉何加焉仍在精義集義二者交勗而不 必勉之使為天下所不可少之人匪徒為天下不可少 息焉耳五峯諸生得承指授英特不羣皆任道之器也 學案小識 涯哉賢友年方三十有三朝之巨公見者無不崇燈 所謂篤實而晓事者然以北溪司馬二公律之有不 而追其所必至自然日進於高明臻於光大矣夫鼓 然温公尚未足當曉事之 人又當爲一代不可少之人匪徒爲一代不可少之 叉當為干百代所不可少之人志銳守堅捐其所甚 一稱由是言之學之進境豈

與道心人心危微之判堯舜禹湯文武周公孔孟周程 所言皆有益於人之言侍講幄數年常以天地性命之 其趨而指其程途師友之事也餘則在學者之自勉而 張朱之心傳從容陳奏荷蒙 節操堅定退而居家進而在朝所行皆有益於人之事 大藻嵏嘉榮耀于古亦儒林之大盛事矣卒諡文 解賢友嘗勗以靜時加功靡日不體斯言庶後日相 幸爲我勗勵之不传粗疏寡陋然此心實未嘗 有己未克誰則知之半途而廢誰能禁之不传望之 稍進故吾也先生窮理精密律身謹嚴識量深宏 卷五

學案小就			有二希堂集
	,		集

矩繩墨克治嚴密踐履篤實嘗謂李貫之得力喚起 斷四字頻喚起真心敬以直內之要也每截斷思念 不定須就規矩繩墨上 不投公卿 方外之本也又謂朱子與何权京云人心無形出 生從漳浦蔡文勤學得造道入德之方舉於獅至 諱鋐字貫一 化雷先生 緊要處小學一 一卷五 刺以陸平湖不敢見魏蔚州爲比謹守 號翠庭翰林厯官通政司通政使 刻不專 書所當服膺踐履叉謂 |守定使自內外帖然按此 便荒本業

便墮晏安晏安溺志則害德性荒本業不待言矣又謂 生物之心以爲心也所謂心之德者此也所謂愛之 **百此也明乎心之德愛之理非有二此温然愛人** (此生理涵於心即温然愛人利物之心爲愛之理故 中間引夫子之言仁則由體而用自常 切周遍處葢生理涵於心為心之德而義禮智統 子仁說讀之旣久令人見得本體融通流賞處功 一言以磁之曰天地以生物為心而人各得天 天地块然生物之心而本體有不融通流貫

· 堯舜之仁也今人乍見孺子入井而怵惕惻隱可謂不 與堯舜之仁相近乎故日性善也擴而充之人皆可以 是相近之實際相近者善之相近也以萬物爲一體者 矣辨楊謝之不識仁體泛言同體者無警切之功專言 界限明而脈絡通本體之妙莫非生生之理者益以著 爲堯舜也必待擴充之力者氣質有不同也孟子言性 知覺者少沈潛之味則功夫之實在乎操存涵養克己 力行然後可以自全其生生之理者益以明矣又謂孔 又發明程子愛不可以言仁而愛之理爲仁則性情 子性相近之言實萬世言性之宗旨孟子性善之言正

學案小識

一 父北人

以亥母之心為心天下無不友之兄弟由亥母而上之 宗而上之則厥初生民之天地也以天地之心爲心天 知其為道而肆焉則危者愈危徵者愈微矣故必道心 為主人心聽命也是知謂心即性也非也離心性而二 與孔子無二盲也叉謂道心即性也人心之正者道心 如飲食男女之欲人心也而道存焉知道存即道心也 爲之主卽性宰乎氣也人心之偏者道心之有蔽卽 者亦非也又謂學問之道一以貫之孝而已矣是故 於氣而失焉者也非道心為一心人心又為一心也 祖宗也以祖宗之心為心天下無不和之族人由祖

君臣長幼夫婦朋友親義序別信之道皆是也凡天地 具耳目手足聰明恭重之理皆是也凡身之所接父 要道與又謂斷一 要自孝之一念積而充之故日天地之性人爲貴人之 物即孟子之言知性此可悟矣又謂太極者誠也誠之 7莫大乎孝嗚呼此其所以通神明光四海|而爲至德 虚消息之妙萬物生長收藏之宜皆是也朱子 無不愛之民物至於民胞物與學問之道無以加矣 在敬以直內義以方外敬以直內誠之源也義 為道無所不貫又謂天下無性外之物凡身之 经丘 一木殺一獸不以其時非孝也此可悟

灌溉培育之功由是欣欣向榮暢茂條達而不容已焉 **亦在其中也然則欲尋孔顏之樂亦黙體吾心之生意** 陋巷不改其樂也孔子中心安仁雖疏水曲胘此樂 先儒隱而不發竊思人欲盡處天理流行隨處充 外誠斯立焉必直內乃能方外即主靜之意也敬義 已矣大抵生意是聖學真種子克己如耨草涵養乃 心藹然四達者也所謂仁也顏子心不違仁雖躗 關數語可形容孔顔樂處何也即此生意之 上達天德則人極立矣又謂孔顏之樂如何尋 謂樂則生矣此之謂也學者必有見於此

非生意於我何有哉又謂以性理二字分言之性 义哲謀推之倫 、循理循理在於盡分葢性渾淪而理有條緒然理廣 析之為仁義禮智脈絡分明是之為理驗之身則 而分更親切如孝之理無窮而吾有分內當盡之 一無虧矣格物者格此力行者行此豈待遠求哉 理無窮而吾有分內當盡之忠隨在盡 涵養之功孔顏之 代真儒宗法陸平湖張桐鄉兩先生其序陸 一路台丘 則親義序別皆理也即皆性也復性 未有不知行並進者也不離 樂方可尋得不然水流花 分則 理 凅 肅 無

朝治教休明名儒輩出 蝮蛉而已矣 一葢醇乎下學之 示學者之趨向指歸然或隱微幽獨不離富貴利 也陸子之言日學者必從羞乞墦賤壟斷辨陽 有大宗 綱常民物則日 正學自孔孟至程朱逮明之群胡 以講學立名呶呶.焉辨異同爭得失口說自 鋐謂學者辨陽儒陰釋必從羞乞墦賤謹 我 小宗其他旁門異趨分之為庶雙假之為 功卓乎正學之的者也表章陸子所 下學不創為新奇說異幽深元 而從 淝 文廟惟平湖陸子 脈 相傳如世 渺

嘗讀陸子文集學術辨與湯潛庵先生諸書於姚江 世之心而稱天下之儒宗哉河南張精恪公學與陸 學可謂攻其壁壘搗其巢穴不遺餘力矣然使陸子窮 (於此學者探討服習如入其門登其堂而聆其聲欬 出處有一 當刊其遺畫以傳於世令嗣君西銘復增定陸子 任縣令無人所莫及之治績 訂既確包括無遺陸子生平體 一論則講說雖明辨駁雖切亦何足以厭天下後 與親 不合乎道治身檢心無人所難能之定力 《松五 得陸子而師之 一載臺中無人所不敢 用兼該知行並 懼終身為道

矣然 外之人願與天 朝為清獻之前茅葢先生少嗜姚江中師蕺山卒歸 先生繼 在前明為 顧先生著 先生 忘錄訓子語二 齋處養覽海甯 而先生明體達用之全量未之見也都門 全集 見寶應朱止泉遺集論學術稱楊園為最 一群胡之後勁在 述蜀山草堂初鋟板燬於火所流傳者 學切實 向見陸清獻公衞濱 下同志之士服膺 冊編謂學者得此已足為入門階梯 祝孝廉 我 八齋所編集乃益信先 行慥慥不息而飲 而弗失焉其序張 日鈔極 推楊 於 、醇者 園 同 初

學案小識 - 野目抱婺憂荒江寂寞惴惴念亂其心固未嘗 治 究心經濟而終身韜晦不自表襮如此吾儕幸 然不為 夏峯一 天下也學者讀是書當思先生 光昭之世優游膠庠顧 道 一茲喜 學兩浙有董率之責前已刊布 |集成爱不揣| 曲尚多騎牆 出位之 一/ないし 蕭山朱學博志尚正學諸生皆知向方 開論史及 謀鳴 時 先生獨粹然 呼學術之做明季極 而序之 乃關冗偷安小得自炫 觀此可以 遭困阨 出 稷蒼 **清獻公年譜** 知先生之所 流離 十四 於正且身處 之 内 治 林 際 嚴 H 重

華院試示諸生東林書院示諸生嚴州試院與諸生論 宗主矣他若象山禪學考陽明禪學考鶩湖說以及金 **清陸清獻二公之書爲譜牒生平出處按之固已無** 敬義爲堂戸以入情事理爲權衡以六經爲食餌以文 梅崖序其文集有日公之學以躬行為主以仁為歸 錄聞見偶錄讀書偶記校士偶存共若干卷建甯朱君 漸之潰析之尤精防之尤豫大要宗朱文公而以群文 格致傳義答諸生問毛西河語不亦辨之嚴而言之切 與清獻學術辨同功矣所著有經笥堂詩文集自恥 爲紳佩以獎引天下之士爲藩牆而於邪正之界流 龙龙

答解惑條指發德辨姦析事類情以綜王道之要以會 **天命之精斯言葢盡其大略云** 不合於道所謂文章則皆本其躬行所得者而慰唁問 Links W 士

官葢周公草創未就之書禮記四十九篇則韋儒所記 度數之略也周禮爲諸司職掌非經曲正篇又逸其冬 廣大極精微處先生推擴之研窮之不遺餘力其體長 **設疏耳自三禮而外殘篇逸義亦或頗見他經論語孟** 錄或雜以素漢氏之言純駁不一 先生諱豕字慎修專心經學博通古今本義理為考據 綱目序日禮樂全經廢缺久矣今其存者唯儀禮十七 通萬巢於一 乃禮之本經所謂周監二代郁郁乎文者此其儀法 源生朱子之卿闡朱子之教凡紫陽之 一卷五 一其冠昏等義則儀禮

皆有其目其他通論制度之事與夫雜記威儀之 必別有一經與禮相輔竊意制作之初當如儀禮之 見然以周禮大宗伯考之禮之大綱有五吉凶軍賓嘉 樂記但能言其義已失其數矣夫禮樂之全雖不可復 然背紛綸散出無統紀至於聲律器數則又絕無完篇 荀况漢儒則伏生賈誼劉向班固之徒亦能記其 事別爲編綱以統目首尾僧員條理秩然所謂經禮 **侚不在此數樂則統於大司樂律同度數鏗鏘該舞亦** 子爾雅春秋內外傳大戴家語孔養等書諸子則管

學案小識 秦漢一而下未有此書也顧朱子之書脩於晚歲前後體 法因事而立篇目分章以附傳記宏綱細目於是粲然 例亦頗不一王朝體編自衆手節目疏澗且未入疏義 史雜書輔之其所自編者日家醴日鄉禮日學禮日邦 國禮日王朝禮而喪祭二禮屬之勉齋黃氏其編類之 所為作也朱子之書以儀禮為經以周官戴記及諸經 記者如投壺奔喪運廟舞廟之類已不可多觀其他或 病其闕略而存者又病其粉紊此朱子儀禮經傳通解 殊學者末由觀其黎則亦不能會其通夫禮樂之全己 篇雜錄吉凶一事散見彼此又或殷周異制紀載互 一一人长江

改較喪禮疏密不偷信齋楊氏有祭禮通解議論詳 規模極大條理極密當別立門目以統之更爲凡例以 、氏之書喪醴固詳密亦間有漏落祭禮未及精專修 之葢夏集經傳欲其核備而無遺釐析篇章欲其有 編類亦有未精者葢纂述若斯之難也永編謂是書 而不紊尊經之意當以朱子為宗排纂之法當以黃 四卷皆四儀禮 二九篇 不自揆為之增損櫽括以成此編其門 所有者 日賓禮士篇日凶禮十七篇 禮六篇皆補儀禮之所不備樂 而附益之曰軍禮

門居後六篇總百單六篇八十有五卷首三卷共八十 **欲卒朱子之志成禮樂之完書雖僭妄有不辭也世之** 君子取通解正續三書参之是編考其本末究其離合 疏與後儒考正之說文字繁多力不能寫且以俟諸異 備而篇章次第較通解光詳密焉屢易葉而書成站籍 異同之故或亦說永之心也夫其朱子原訂近思錄 日嗚呼禮樂之書精微廣大前賢勤勤補綴具有深旨 八卷凡三代以前禮樂制度散見經卷雜書者蒐羅略 末學何敢與知顧敢以其謭陋之識輒改已成之緒葢 寫本文及舊註一通名日禮書綱目若夫賈孔諸家之 柔小識 ■21L

註序日道在天下亙古長存自孟子後一 為近思錄十四卷凡義理根源聖學體用皆在此編其 近思錄四子之階梯叉謂近思錄所言無不切八身救 於學者心身抵病應接乖違言之尤詳箴之極切葢 **萊晤於寒泉精舍讀周子程子張子之書歎其宏博無** 聖繼絕學為萬世開太平其功偉矣其書廣大精微學 **請大儒起而昌之所謂為天地立心為生民立道為去** 涯恐如學不得其門因共掇其關於大體切於日用者 者所當博觀而約取玩索而服膺者也昔朱子與吕東 孔曾思孟以後僅見此書朱子嘗謂四子六經之階梯 1000年

學案小識 以己意别工條目移置篇章剖析句段細校原文或增 書前八未有為之薈萃者宋淳祐間平嚴葉氏采進近 或稪且復脫漏譌舛大非寒泉纂集之舊後來刻本相 思錄集解採朱子語甚略近世有周公恕者因葉氏註 此書或解析文義或闡發奧理或辨别同異或指摘瑕 問義言淵微非註不顯考朱子朝夕與門人講論多及 仍幾不可讀派自蚤歲先人授以朱子遺書原本沈潛 班又或因他事及之與此相發散見文集或問語類諸 **反覆有年今已垂暮所學無成日置是書案頭緊自省** 人病者則此書直亞於論孟學庸豈尋常之編錄哉其 1/200.1

蔽於讀者不無小稱晚學幸生朱子之鄉取其遺編輯 覺義旨深遠研之愈出味之無窮竊謂此錄旣爲四子 察以當嚴師竊病近本既行原本破碎朱子精言復多 朱子未竟之緒近思錄集註病周氏近本破碎仍還原 鄙說盡其餘蘊葢欲昭斯不厭詳備由是專繹本文彌 **刋落因仍原本次第哀輯朱子之言有關此錄者悉採** 礪焉禮書綱目凡八十八卷引據諸書釐正發明足終 之階梯則此註又當為此錄之牡鑰開局發鐍祛疑釋 入註朱子說示備乃採平嚴及他氏說補之間亦竊 而釋之或亦先儒之志旣以自勗且公諸同好共相砥 卷五

皆有關學術之大者至其於制度名物律吕音韻天文 筆十二卷古韻標準四卷四聲切韻表四卷音學辨微 發微冬至權度恒氣注天辨歲實消長辨天學補論中 論三卷春秋地里考實四卷郷黨圖考十一卷讀書隨 算法無不稽考精審所著有周禮疑義舉要七卷禮記 訓義撰言六卷深衣考誤一卷律凸闡微十卷律吕新 西合法擬草各一卷考訂朱子世家一卷卒年八十二 本次第一泉輯遺書之涉此錄者以補平巖之所未備此 **卷河浴精蘊九卷推步法解五卷七政衍金水二星** 不小識 卷五

與今宜推已及人無私於已嘗曰是非審之於已毀譽 儒之嘉言懿行 聽之於人得失安之於數三者缺一皆有病須隨時隨 **吾豈苟哉數語中原包得義命一字在中庸素位而行** 先生諱宏謀號榕門進士歴官大學士論文恭學以誠 事有此定見乃爲腳踏實地余最愛范文正公云爲之 不欺為主不向空談不取辨論溯考古聖賢名臣名 我者當如是其成與否有不在我者雖聖賢不能必 無非此義孔子所云不知命無以爲君子也又日 臨柱陳先生 一定日 一尊而奉之踐而履之心與古印事 三土

學問須看勝似我者境遇須看不如我者昔年愛此 叉日莫作心上過不去之事莫萌事上行不去之心斯 **小確乎不可移易倘境遇看勝似我者則怨尤忮求無** 無咎必為世上 知之非艱行之 非虛生此余為諸生時題書室語至今思之負愧 不至學問看不如我者則驕傲怠惰亦無所不一 八品事功出乎此則入乎彼以此為人鬼關頭也 「寡過節飲食以尊生省嗜好以養心耐煩勞以 之座右嗣是三十餘年益覺道理精當無所不 743 絕艱敢不勉旃又自箴十則日 一不可少之人必為世人不能依之 1難言 至學 包

也又承朂以無倦二字實為切要有恒可以基作聖而 此免禍亦在此舍此而别生角抵之計恐無益而有害 為剛愎自用滿盈招損不但於公事之無益即自己亦 多關勸懲語嘗寄某日凡事不顧公事之有益與否而 讓以和衆慎然諾以全信減耗費以惜福又與人手札 受虧損不後又吾輩處不如意之事遇不如意之人惟 無恒則不可以作巫醫夫子論近仁剛則兼毅曾子論 秦小藏己。至丘 反躬自責靜氣平心以求 慎喜怒以平氣戒於張以集事絕戲謔以敦體崇 自以為是之意見是己者樂之非已者惡之此 至是無非之道弭謗在

嗜好每處 後見是非亦久而後明有識者計久遠不計目前為民 稍有裨益然志廣願奢百未如願事雖未成心實難己 之謂也且以觀天下古今之事愈遠大則愈非旦夕可 物不為一己當時或以為迂而久大之業恒基於此苟 **有時過於勞瘁而亦不覺覺亦不復惜也年來精力** 月倦心則稍有挫折便生消沮其何以濟又生平無他 不如前 而 叉當此 煩劇之地 隨事 經 理 已 苦難 支若 宏必及毅葢恒者常久之心毅者定力之謂皆無倦 觀效而有旦夕可以觀效者決非遠大利害固久而 一地臨 一事即就其地其事悉心講求以期

寒近世言學亦知遵 經 知我之切 而愛我之深也諸儒語録不免偏 东 子悉歸醇正有如布帛菽粟可以 民民五 日讀書作文未 何用其業居然讀書人人亦未 不以事累心役 於身世 此 人謂書可以 尚朱子而用功止 無所益甚有所存 物 知所讀之書於 能 憑 中耳 療 何 飢 益 逞

習熟機緣湊合便為得手程子云世人事事要好惟 叉古聖賢之微言精義散在典籍惟讀書可以通其解 便有許多得理之事所謂所操者約而所及者廣也然 官場中所汲汲講求以為要務者卻不在此但須儀文 了今日官場內所為待好正所謂身心先已不好者也 **亦惟讀書可以踐其實如止以詞章為學雕琢雖工** 一箇身心卻不要好待事事好時此身心先已不好 亦惟存心克己一者最為吃緊此處用得一分工夫 挽頹風於萬 1 3 2 1 1 耳叉士人惟身心最為切近其用

然百體從令踐形即所以復性也又來札於讀書為 國家何所 聽克已 益於身心更何裨於 切曲暢旁通格物者格此也致知者致此也脩齊 矣大人實踐錄從孟子大體 我心試思 目讀書為口頭禪 亦即此而推也大體立而小體無權天理流行人 非利弊暢切言之語語從體認中來循環展誦 即所以復禮也大體立而 需於文藝而以此取士 - Mar. 謂作文為敲 小體句獨 一耶葢謂能作文者 門瓦負此書亦重 小體效用天君 得真諦指點 我世

民物今日欲救讀書之弊而收取士之效惟有講求 心格致之學知在此行亦在此以此學則以此仕庶幾 則或憑意見或顧利害甚至以我之行止為理之是 而言與行背以致不能變化其氣質又焉能澤及 又所論我見一 見為累也又宦海無定經 書能讀書者必能明白道理變化氣質耳不謂 工讀書者自讀書而於道理不求甚解即心能 人名马 就我更不難苦天下人以遂我此皆 語尤為切中士大夫之病一 番波浪增一番閱 一有我

獨說得如許親切大學八條目無非一 非我分內之事迹似待我者輕其實待我者極重先儒 由看得一 涉利害每止圖目前不顧久遠止顧一已不顧天下 一下業事詩書亦無不明白義理辨別徑路及解 八此觀人即以此自賣昨聞名論以萬物皆備之我 下人之賢愚皆我之賢愚上下干古參贊位育無 人有不協皆我之責則視國家之利害皆我之利 章為仁字源頭者即此意也又來札戒懼慎 身之富貴太重故看得君民之事太輕年 八情克治身心之地耳叉人之聰明材 《卷五 層緊似一

能道此叉近來功利詞章之習流而不反讀書者所在 退藏於密亦卽此意所云愈嚴密愈廣大已將中庸之 平事業總歸根於誠意正心中庸放之彌六合而卷之 層次主腦該括無遺非實在此等處痛下克治苦功! 不乏顧書自書而我自我每見讀書之人與未讀書者 無以異讀書之後與未讀書時無以異竟似人不為科 **省鷄見及此耿耿於懷學約中偶一發明而筆墨荒** 高多淺率竊恐未足為多士則也諸君重刑各撰序 災許過甚心竊愧之然士者四民之倡而官司叉名 則無取乎讀書讀書己得科第則此書可以無用矣

避害樂安忘危自以爲為己之道當如是而不知己 囫圇讀過不肯體認已字如自私自是好逸惡勞趣利 看錯所學豈復可問程子云為已者其終至於成物 務於有用之實學使境內士子以讀書為克治身心之 一之倡也各持此意自勉勉 好以文章為敲門之瓦則士習由此而端民風由此 厚治化出其中人才亦出其中此又吾之所厚望 以其終至於喪已實扶干古為已為學之精蘊又 凡可知者皆理也凡不可知者皆數也理本 賦具見抱負古之學者為已聖人垂訓人多 美女工 人化行自上教成於

郑 窮經然窮經而 循錯過不但他人見輕即自己亦不免於後悔古 不甚親切之 如叉古人窮經足以致用凡不能致用者不可謂。 一聽之於數至於學問器識全由人事有 何稗實事 分進益處可以用功之境值 見人畢生讀書而不能有用皆坐看得書中 求知數 水示 故而經義尤甚也又士人惟功名得 不能求其切於身心倫物者亦必不能 正復相同即此當吾輩講學 可知而强欲知之即云巧中徒 可以用功之時 一語實 則

萬全良劑隨時隨事以此者想則無自 從身心性命上用功考古證今心有所得措之身世則 為不朽之事業敷之詞翰則為有用之文章以云詩賦 者似文章事業看成兩橛殊非 吳高於此近日多以身列詞苑不得不專重詩賦為言 門讀書者經世服物之學也似乎迂遠終歸實用果能 (計較也又中秘書多心得在人為詩詞歌賦而讀書 卻多少希獎妄想矣至於門內之事總要看得骨肉 風雲月露之學也縱極富麗何碑民物為身心性命 |難得則財物自皆落後||層匪惟不可討較且不

雕 别戸另立宗主至於制義原以發男四書而四書之 有因制義而晦者皆由作文不肯認清書理之故文字 今日講學只須辨别何為有益何為無益正不必分門 聖主教育人材之意叉天下不乏博學能文之士然往 該人則貴賤賢恩無所不宜真有耳得之而成聲目 **圖作文抒寫不曾把書中道理研究** 身心體認 佳奈不切題何又論語一書理則精粗上下無所 而成色仁者見之謂之仁知者見之謂之知來序 書自書而我自我文則是而人則非皆由讀書時只 番敵門瓦口頭禪於已何益於世何益 《卷五 番更不曾在自 廽

聽原有思明思聰工夫果能非禮勿視勿聽則尤悔之 **寡更不待言復禮之功不外明健不必以寡尤寡悔** 其心之純粹無間謂之仁自其事之恰當不易謂之禮 禮交關同原共貫可云直截了當昭然發驟即張子 便生出許多穿鑿捏合今云仁具於心禮徵於事自 云理虚 理渾淪莫如韶曾子之一 一夫以此詔示來學不愧見道之言竊以勿視 時所重而名之後人斤斤就字面上分異同 而禮實也老先生平日於四箴有一 | 語該全部之要旨至於聖門論知論仁論 一段切實

免無 著力之候 不易亦不難浮雲縣空天風迅掃大段著力 當然之理學者多視為淺近語是以求之 如古蓮玩器之類不日自某傳之於某則日為某之 粕 無非從字句迹象上講究是古是今絕不於 可捉摸反疑近於二氏耳叉人看道字似另有 一講究是真是假道字看不真則論文不過 以為其覺察也若有意若無意其用力也 子解中庸率性之謂道即云道者 子於博文約禮之後欲罷不能 愈杳去 不得 一是精 皮相 轉

纂養正遣規教女遺規訓俗遺規從政遺規在官法 皆箴規藥石也得其一二即可立言砥行其誠故也 人之性分職分語其所當然及其所必不可不然大 於後世大抵本誠 錄至今士大夫家有其書其培遠堂偶存稿十卷雖 序祭文皆有至意非葬常應酬可比歸恩沈氏為之 大臣垂紳 則無偽 (焉氣自靜焉神自凝焉施之家國公爾忘 以立 卷五 國 則不貳不欺則忠以處已恕以待 朝宁教歷中外功業被於當時聲聞 以壽身者即以壽世胥是道也格 不欺之學發而為社稷不朽之 私 所 著

其豐烈偉績在太史固天所挺生以錫 相 雨為德尤大蓋無日不為小民計生全無時不 上布 道府擢督撫閱江右陝甘楚豫閩吳諸省悉以 家為元老為純臣者也公生平孝親忠 俗為兢兢察吏安民務期實效而四至泰中再 改吏部選御史經國要務立誠無偽見信上自治 愛民出政大都以誠一 國以儒生起家歷官內外四十餘載其品望在鄉 張文和公嘗薦公自代云能以民心為己心亦 恩德九宇之內多半被公之仁即多年被公之 不欺為根本由名解元人 我 爲 人心 撫 厯 翰 团

網鑑正史約大學行義補諸書用以省身即用以 猷悉以入: 動措諸言行即可質諸衾影 告綜公生平大概有所設施無非精白 這紹薛文清高忠憲之薪傳刊刻孝經小學近思 生而尤深於學問一 何明 ·如家事葢實錄也洎乎晉掌銓衡贊襄密勿 灼見公誠 **德盛時隆遇自古無一且公之誠** 《卷五 不欺始終無倦故信之為任之專穆 一生手不釋卷研窮宋五子之 心以至誠威 一不欺本乎 錄

思移於嗜欲聲色及得失趨舍之途志氣且日以衰頹 接公命題必為講義剖析聖賢精蘊毫髮不爽潛亦受 古先格言間有請爲文者外而抄積成部潛當受而讀 **也公之勤學好問至老不倦公不輕著述所刊書皆輯** 之往往即一名一物之猴有以見精理入神之妙其言 古大臣公忠體國精勤克已者何多讓焉潛老矣旣窺 公教益程子日不學則老而衰謂好不在學則耳目心 足以惠蒼生行外遠要皆本此誠一不欺之推暨與 居吳下親被德施又忝主教紫陽每當課士轉與公 政事復讀公之文章因為摘其大略而記之讀生

憚而已而令行禁止則有人所不能者如在廣東拆 神也閱百年而追步遺型者有幹臣朱先生遂樓趙先 **令畏人心乎愛民勇於懲惡其明也莫能逃其鑑** 也無不服其公所至官僚奉法衆庶飲和非徒以嚴見 一之文固見先生之學而觀先生之政尤足見先生之 也先生過化之地士服其教民懷其德閱數十百年 朱先生諱國楨上 碼 云卒諡莊恪趙 思之如 頭 事夷心懾服相戒不敢出一言尤為人所 《卷五 日追述其善績不絕口云至矣哉誠 先生諱慎畛武陵人翰林愿官總 元人進士歷官巡撫明體達用 其恕

恐其有失懷保黎庶時見其如傷遇事有 事愛民亦可想見矣總制雲貴病已 國家憂樂者則竟夕不能眠起而思之必得其當)卒諡文恪 西捐廉設各郡縣豐備倉積穀至數萬石其 摺具參閱日屬職權者發急遞追回至今 以敬平 事周詳訓迪僚屬 **逐猶將貧墨數** 關地方疾苦

學条小議 得是非 愈密愈擴愈充其日記曰人固 世經有善名亦只是謹愿之人而已又曰人日在熱 所已能朱子以爲存心之屬蓋培養本源蓄之深植 先生諱夢周宇公復號理堂寫守程朱檢身不及 可自 可見濫 小立心卑退讓第一 存得恥心在叉曰涵泳乎其所已 所行污察須常令胸中如一 韓先生 存心薄者必無惻隱之 而道義出矣程子所謂靜中有物者於 KIL 一等事與別人卒之悠忽沒 不可以虛憍欺世 一盆清水乃能 知敦篤平 愈期 然亦

之心使不放馳而已也及日震驚百里不喪七鬯哉 辭讓之行致中以立大本義蓋如此非空空存此無爲 不善念分明是兩箇心倏忽變易機纖莫測其存善 有形的心養心與修身其理一也身若亂為不在 效也能誠敬則心之理得矣心便是無形的身身 以直內義以方外交發之道也又曰人之一 上便不成箇身心若亂思不在義理上便不成箇心 也儼然是君子其存不善念為不善事也確 不善事分明是兩箇身人之一心仔善念又 兩途究竟必歸 一身為善

其終也擬之而後言議之而後動烏有輕發之患哉又 暴古來憤事者坐此甚多何以能忍曰思慮其始也維 智術 人之善惡盡 吾誠以化之不可添一 分喜怒又口 則紛如矣又日事之難易盡吾誠以爲之不可雜一毫 有此心問不過其餘都成妝點敗闕又曰小不忍則 叉日養心之道在敬敬之道在安矜迫反失之叉日俗 大謀婦人之仁匹夫之勇皆不能忍匹夫之勇其發尤 萬事之理出於自然順其自然故無事以私智鑿之 達甚易危乎戒哉又曰任你聰明蓋世事業狀天只 視故能視耳不逼聽故能聽心不遍思效能 1 W 1 亂

之云爲尤舛後人勿爲所問又曰爲陽明之學者有一 **夷傳是說伯夷不怨准陰侯傳是說進** 吞秋別嫌疑明是非定猶豫善善惡惡賢賢賤不肖他 法施已然之後法之所用者易見禮之所禁者難知所 譏多不中只是未得他用意所在六經黃老處士奸雄 事有與有隱是非頗不認於聖人所以是 作史記便是仿此意其用意深遠處人 見甚精被紛紛然言利害賞罰者知不足以及此又說 日大史公以春秋爲禮義之大宗謂禮禁未然之前 一邊異學少事一 17 3 邊所以上下隔絕本末乖違

典籍 字義疏證駁朱儒說氣稟然疏中卻有其氣清 學性上之學者多歸於佛不止當時後來亦然交游中 為教永生西天感亦甚矣又日彭氏自嫌訪先生學陽 如形式初汪大鄉羅臺山皆是其大決藩羅主以念佛 明允初叉受法於群鳳三鳳三吳人其舅氏爲僧鳳三 道之資乃陷於一偏不復見古人之大全可惜也又曰 海而從之前者多高明之人後者亦沈潛之士皆有造 於舅氏遂傳其法衣鉢源流如此又日戴東原孟 學問空疏不耐勞苦樂其簡易而從之其一博覧 不知切問近思動而無得見其立教專主向妥遂

差等云云此非氣泉而何其尤異者問程朱說性 靜坐對占人便覺心清志定及應酬俗事俗人又不覺 禮智根於心渠疏孟子字義並此句而忽之何也孔孟 之言無非是說理說心不在字面上講究如此荒謬直 也其屍性如人心中有一物此即老氏之所謂無佛 得失亦不待煩證深辨也觀此則先生之定識定力高 戴氏以理為我所本無但資之於學即此觀之熟為 所謂空稍變而爲此說孔孟無之然孟子有日仁義 臺流 吾道之衛花有賴焉其寄間懷庭書日來 札

熟處走於此細細體察分明靜時是一心動時又是一 泉及至動時此心一放便無主宰習心復來自然又向 從習俗去此學者通患也其弊在動靜分爲二端動時 学条小裁 一 其專一動時更加一番提撕一言一行處處照管得到 此時之心不是別處與得箇心來即動時不清不定之 心此涵養功疏不能純一之驗也若能於靜時存得極 心也綠靜時加一番操持容氣旣消自然有此開鑿氣 教他放馳去如此久之自成一片所謂靜亦定動亦 則動貽之心仍是靜時之心蓋以之爲主於內原不曾 大小事判為兩途動靜分為兩端者如靜時心淸志定

心 此 有大事來感觸者如,承大祭見大賓此心依舊不敢 無失的即靜時無失的非有二也除 者是也其要只在敬而無失不敬則失敬則無失動時 心定又如人要以敬存心自然有嚴威儼恪氣象此 所謂大小判為兩途者如人當靜時存得此心在 無大小須是要無衆寡無大小無敢慢方能操持得 見新識人尚能持得住倘遇不日豪狎人便不覺 門如見大賓使民如承大祭蓋事有大小理有大 削 俗事便絕不同緣事小不覺生輕忽心夫子所 不能如靜時湛然純一當亦不至大遠至對俗 一敬字更無用 U

學泰小識一人民 得手之處蒙兄下詢不敢不竭其愚要皆常法兄所風 其病更不須別處求藥立則見其參於前在與則見其 倒復入曹昌去此皆是志不帥氣魔境遷流之弊旣知 靜不得其方不能無所昏蔽欲從事於敬義夾持之功 倚於衡如雞伏卵如貓捕鼠心存誠敬死生不以動其 心此外更有何事弟用工粗疏偶有所見不曾有真切 心離居無緣面質何勝悵結其復王震靑日惠書以動 此自勉不敢以無得而苟止如有未允兩即賜教日 一社妄動邪思之累此見賢者志道聚篤已得其端 不足以助高深雖然常法之外亦更無巧法故時時

内者所以存之也方其敬時此心為有乎爲無乎以爲 為心也不知心之所以為心敬義將何所加哉敬以直 知所用力矣竊謂古聖垂訓立教道有干變法亦各殊 其總要莫不統於一心敬義者所以事心之方非所以 所以發之也當見義時與心為一乎爲二乎以爲一則 所謂義者於內求之乎於外求之乎此事要使通徹分 有所有者何物也敬又如之何其存之也義以方外者 手程子謂釋氏有敬以直內無義以方外不知彼所謂 |内者與聖賢果同乎否乎陽明以窮理爲義外不窮 有障蔽如暗中索物茫無端倪耶參瞎練從何入 | YT | | | |

間者可以得師矣其與羅臺山日去冬允初寄示足下 與鏡野書頭之甚暢其有功於學者甚大蓋道之做人 外所謂義者果不差平且敬義互發其爲一貫者安在 於物君子之爲學不逐事而忘本必執要以御末子貢 买人各據一 义言處貧之道則既得之矣內重者外輕得道者不果 **士路從貧富上用功顔子從道德上用功審於二者之** 皆當辨之析之使明著於心然後可以從事也來書 《相下至於體用乖隔本末横決由不知道之一故 一術以自是紐於其方不能相通如有所競 卷五

深元遠自以爲道之至而不知其違於天夫道可公而 命叉日乾以易知坤以簡能易簡而天下之理得矣易 恩婦之所與知與能者也或乃不求諸聖人之所 道之一非一於人一於天也易日乾道變化各 行者也今乃不求之公不求之可知 盡而嫌其與愚夫愚婦同科於是背常雕經造爲高 不與聖人同憂者公也乾知大始坤作成物可知 可私也可知而行非可虛而寄也天地之道鼓萬 理天地之道民物之性命也聖人之所不能盡 則固與天地不相似矣與天 而可行而但 Œ 性

裂而為二自是以降才智倍出漢唐君臣乘時建樹 德自治而已矣其措諸事業者自治之餘也故曰天 之春秋五霸之義功罪各不相掩或以其有濟於世而 王道衰人各鶩於功利管晏之徒豔稱於世道德功名 生此民也使先知覺後知使先覺覺後覺也春秋時 外為有道乎哉人者天之所生也天之外無人也則 可述忘其所以致此者皆逢時遇主一切以救時 但炫於揚厲之迹遂欲左顯右隱譏儒者不達時 **道也是之謂迷其本而失其用三代之盛八皆務道 米**卷五 天違 (則道如之 何其能一 以

参宾春秋之義係王於天王者之道天之道也故聖 空言無補等諸匏瓜繫而不食若然是顏曾劣於管 以贊天地之化育可以贊天地之化育則可以與天地 娘於五霸其故何哉道德有無於已能達於天與一 出必將奉天道正萬類立人極非苟且臨俗以就 **敞之大端也皆不求其本於天之故也故能知天** 達之殊也是之謂逐其用而棄其本凡此二者道 也故或施不及一物而道侔帝王或功蓋天下而 之性能盡人之性則能盡物之性能盡物之性則 孫吳商李之徒賢於孟子也記曰能盡其性則能盡 可

發子而使之獻其愚乎僕敢陳所見惟足下教焉 會台莫由獲其教益足下不鄙緊惠然枉顧語以 之辨欣幸殆無以過然足下啟其端未竟 下僕伏處山 可語 知道之 ·世以爲禪舊矣至禪之侵漸爲陽明其端末則 朱能得其宗而世之賜私智起而 而不二 林都 12.1L 教之其與李权白日夢周頓首 與世隔 大懼也因足下道 矣嗚呼此孔孟以 雖竭國知名之 來相傳之 亂之者紛 之 說竊推 亦無因 學 权白 明

可究詰達摩入中國 傳王六祖 然從之於是儒墨之界始大亂談儒者混於禪談 變而淨智團妙體自空寂 日侍郎把柄在 之若狂然其時固自別於儒分門立限不相 最為照傑其得術在 往 叉從 一變則中庸大易之微言與楞嚴 往浸烂於經訓而 而張之其說愈辨其惑人愈深 手便須改頭換面以誘來學子韶 窺 此間隙乃一 再變則真空能攝象有 變其始也倡為病談 援墨人儒其語張 不知朱南渡而杲堂 埽除文字直指 圓

禪學厯干餘年數經變易始成一家學術其人叉皆信 小自是固宜其流而不返也然則陽明之入禪殆所 **嗜異者羣起倡和於以誹詆程朱自居顏孟非真桐悉** 釋氏之諦而巧爲敗換之術以掩其跡於是世之惡常 於儒釋分途確然不惑鮮不炫於其說而助之者矣夫 知其說之多變也論禪學者謂其近理而不知其得 表裏而兩家之郵通矣此皆佛氏之徒思以其術角勝 日彌其罅隙而文飾其淺陋始竊莊列繼竊吾儒而 陽明則倚傍釋氏之所竊妄意其不殊於儒遂陰證 也然子部之徒其智不足以自全每自供其敗闕象 老五 四十

世之務又能內定其心足以乘機制變故成功如此 哉或又以陽明功業軒燥為儒者之效此古豪傑雄略 於聖賢體用之全為學之方則不可一 然自放而已此禪病也何者任心而動有不謬者幾 為陽明之學者局者流於剛愎為巧詐為誕妄下者 究其言陽明之卽心卽理與釋氏之卽心卽佛其有異 不言理陽明雅言之以明其非禪愚嘗讀其書反覆 士優爲之不必盡由講學也陽明本豪傑風究於 否即此即改換頭面之術其詞異其實同者也故凡 賊作子禪之流爲陽明則蜾蠃之肖也或者以禪學 毫借也足下 經

爲何如有不合所往復不宜又自記日陽明之學其 其風至今未熄恐流而愈甚嘗與南中學者蘇斯持之 父攘羊之爲乎衍至明末直以孔佛同道儒釋一 可言謝弟自初知講學懲少年狂肆之弊力爲規矩束 而不能易也嗚呼此古人立教所以慎於作始與其與 、是非莫詳於羅整魔陸稼書兩先生更考之昭然無 倫至樂深爲募美教益諄諄無任愧荷厚愛至誼第 其身處處檢點使箔拘勿肆行之數年頗自謂無顯 初日接十一月一日札知兄且遲南還昆季聚首 陽明不自認為禪其徒則直承不諱此亦何異證 《卷五 出

過大惡然每反驗心中與道理未能真實有得蓋實缺 門戸曾子言正心誠意必言致知子思言固 心切 其大要有三以存養為根本以省祭爲修治以窮理 以自 固 以自昧然後醫者得施其方兄之於僕蓋不待其 涵養本原一 知年來悠忽不進大病全在於此將刀求所未 坦然施其治之之術而無疑矣周竊謂聖賢之 而後明譬之於醫必自並其受病之由雖至隱匿 勉雖有他說亦不敢雜陳其間矣既又思之學 洞見五 段工夫及見兄首以此旨相示瞿然有 臟癥結合試更一陳之益可知其求醫

| 22 で 1

釋之日學以聚之問以辨之蓋 善孟子言存心養性 世儒者談程朱格物致知之 古聖賢相傳爲學之方周備 致察至閉口不言窮理二字乃考其生平所復習雖 而已矣 別有宗旨卒亦未有絕聖棄智以爲學者何者 端至易之文言既釋乾九二 者 非他蓋即窮其所存養者而已矣窮其所 人之初生其象爲蒙及知識漸開始教 所不 必言盡 知使由此以 心知 訓爲支離後人和之不復 無弊未有易此者也自 知行交資明誠互 爲開 性論 致力於聖 邪存其誠 省 肵 郑

意施於行順以審之不使其有雜則謂之首察存養熟 於是五品之倫五常之 講明而 一經濟 一無以立知之本非省察無以善知之 「所以致力之方不同而其所致之理則一也蓋非存 生知不能 知則將昏蒙否塞無所通曉亦何所 敬以存之於心則謂之存養隨其所講明發於 古未有不讀書不講 郑之或學而知之或 則知愈精知愈精則存養省察亦益熟且密 無賴於學學則未有不以知為先者 **米** 五 他莫不 困 明義理而可至聖賢者 、講明而切究之隨 而知之言無 用盡 存何所察哉 知之實然

被幸甚幸甚蓋先生尊崇正學統歸程朱言知言行 諱言吾之是哉近與臺山論此其說至辨終不能破弟 否平若 固 感故略述鄙見以陳於左右惟決其是非以發其 形攰與利除害職所能爲者無不爲之職所不能 必固請於上 假借故於往來手札或是或非或規或勸總之 王宗洛閩為大要出為來安令懲積蠃斥淫 日是惡夫以博涉記誦 辨而明矣然 1 1 1 1 L 則程 朱格物致 不切身心以爲知者 念無時或忘 一面上 知之訓果 祀 離 鎁 遂 則

郑矣 之敢虐宣上恩德伸萬姓其皆歡本儒術以爲治是可 於署門日願通民情喜聞已過又日畏天明威無 ノネニ

學案小識 **如立專門各抱一** 贈錢獻之序日孔子沒而大道微漢儒承秦滅學之後 亚及於史子集一字之不諧於心者必思之深辨之審 不知玩味其書以上求孔孟之道為學術人心之害其 **小質平正而無所不適而所憂者惟學者之厭薄程朱 裝其於聖人之道猶築牆垣而塞門巷也久之通儒** 求其詞之何以洽義之何以完聖賢之旨何以不至 生幸鼐字姬傳進士官禮部郎中學以研經爲主 而不彰故其成也廣博而無所不該精詳而無 姚先生 上一彩的五 一經師弟傳受儕偶怨怒嫉妬不相 四四四 所

旨羣經略有定說元明守之著為功令當明佚君亂 興以淸言爲高以章句爲塵垢放誕頹壞迄亡天下 商尚質周尚文學者之變也有大儒操其本 世猶愛其說辭不忍廢也自是南北乖分學術異尚 出貫穿羣經左右證明擇其長說及其蔽也雜之 III 作士大夫維持綱紀明守節義使明久而後亡其 餘年唐一 所取或是或非未有折衷宋之時真儒乃得聖人之 亂之以怪解猥碎世又譏之蓋魏晉之間空虛之 一效哉且夫天地之運久則必變是故夏尚 天下兼採南北之長定為義疏明示統員 以識

嘉定錢君獻之强識而精思為今士之魁傑余當以余 意告之而不吾斥也雖然是猶居京師龎清之間也錢 考古而蔽於近於是專求古人名物制度訓詁書數 博為量以關隙攻難為功其甚者欲盡舍程朱而宗漢 明末至今日學者頗厭功令所載爲習聞又惡陋儒 則 士枝之獵而去其根細之萬而遺其鉅夫甯非被 將歸江南而適嶺表行數千里旁無朋友獨見高 川喬木間鳥獸之異鳴四顧天地之内寥乎茫乎於 **所尚也賢於其故否則不及其故自漢以來皆然** 思古聖人垂訓教世先其大者之意其於余論 識 一一一一 聖

離 的 取 願 批滯而不協於情也而其生平脩已立德又實足 卒盡其愚焉自秦漢以來諸 **蒙知愛之誼** 有合也哉其復蔣松如書日孫與先生雖未及相 行其所言而爲後世之 而其審求文字往復之情亦更爲曲當非如古儒 不遠者乎心乎愛矣何不謂矣尚有所欲陳於前 固 利禄之 非 失猶奉而不 途逮宋程朱出實於古人精微之旨所得 途 1 如此得不附於左右而自謂草木臭 開爲其學者以爲進趨富貴 敢稍違之其得亦 嚮慕故元明以來皆以其學 儒說經者多矣其合 知 其所 而 已其 爲 妹 與 省

錢獻之序發明此旨非不自度其力小而孤而義不 **褚為時文之士守一先生之說而失於隘者矣博聞** 也折固數百年以來學者之陋習也然今世學者乃 不分精麤之弗别是則今之爲學者之陋且有勝於往 漢人之為言非無有善於宋|而當從者也然苟大小之 一專已好名之人而相率而效者遂大爲學術之害夫 也鼐往昔在都中與戴東原輩往復嘗論此事作 切矯之以專宗漢學爲至以攻駁程朱爲能倡於 以助宋君子之所遺則可也以將跨越宋君子則 先生胸中似猶有漢學之意存焉而未能 1000 思

文集序日鼐往昔在京師聞江甯有程綿莊先生今世 說誠亦有誤者而此條恐未誤也望更思之其程綿 取之矣然不以爲正解者以其對何忠於喪意少遠也 然決去之者故復爲極論之木鐸之義蘇氏說集注 听著書亦不得見今歲楊存齋令君乃持綿莊集見示 于各以性之所近為師傳之真有舛異交爭者戾況後 逐獲卒讀乃究論曰孔子之道一而已孔子沒而門弟 學者也乾隆庚戌余來主鍾山書院則綿莊已死求 盆成見殺之集注義甚精當先生易爲駁之哉朱子 不及孔子之門而求遺言以自奮於聖緒陸絕之 固 莊

免賢智者之過其下則肆然為邪說以自飾其不肖者 諭繼孔孟之統後世君子必歸於程朱者非謂朝廷之 其論說所聞發上當於聖人之旨下合乎天下之公心 其他欲與程朱立異說者縱於學者有所得焉而亦 功令不敢違也以程朱生平立身行已固無愧聖門 而已令觀綿莊之立言可謂好學深思博聞强識者矣 尊程朱者皆束於功令未必果當於道及其久意見 與其互相是非固亦其理然而天下之學必有所 顧情其好非議程朱蓋其始厭惡科舉之學而疑世 大且多使後賢果能篤信而遵守之爲無病也若 不卷五

陷之過而不自知近世如休宵戴東原其才本超越 古文尚書之偽皆與鄙說不謀而合若其他如解易詩 不幸也綿莊書中所論周禮爲東周人書及解六宗辨 俗而 偏 抵有似東原東原晚以修四庫書得官禁林其書亦 僅有留本不傳於世將憂泯沒斯則所遭或幸 行於世而綿莊再應徵車卒不用而歸老死其所 不復能深思熟玩於程朱之言而其辭遂流於蔽 則余未敢以爲是其文辭明辨可喜固亦近世 及其為論之僻則過有甚於流俗者綿莊所 代作應 酬文字則不 或 平

學案小識 後言古文者必以先生爲歸著有惜抱軒文集經說章 不薰而潔其德輝之所及固如是也古文名天下嘉 而觀之必有能取其所當取者先生當開四庫 局修書後乞假歸里主講揚州書院尋移主鍾山 人材成就者眾人之見之也如坐春風然不飲而 **泛 卷五** 教